

## Hrabra kapetanica Pia Klemp spasila 14.000 života, odbila medalju gradonačelnice Pariza



Pia Klemp, kapetanica spasilačkih brodova koji su oko 14.000 ljudi izbacili od smrti na Mediteranu, prije nekoliko dana svojim činom je pokazala šta znači biti dosljedan.



Naime, Klemp i Carolu Rakete, drugu kapetanicu Sea-Watcha, gradonačelnica Pariza Anne Hidalgo

odlikovala je Medaljom grada Pariza, u znak „solidarnosti u uvažavanju ljudskih života“. Klemp je odbila medalju sljedećim riječima:

„Pariz, volim te. Volim te zbog svih slobodnih i solidarnih ljudi koji u tebi žive. [Ljudi] koji se iz dana u dan bore za svoju slobodu, stoje rame uz rame jedni s drugima, razmjenjuju pokrivače, prijateljstvo i solidarnost. Volim te zbog onih koji iz dana u dan dijele svoje domove, ljubav i borbe – nezavisno od svoje nacionalnosti i toga imaju li papire ili ne.

Madam Hidalgo, željeli biste da me odlikujete medaljom za moje akcije solidarnosti u Sredozemnom moru, jer, kako kažete, naše posade 'svakodnevno rade na spasavanju migranata iz teških uslova'. U isto vrijeme, vaša policija krade pokrivače od ljudi koje vi primoravate da žive na ulici, dok razbijate proteste i kriminalizujete ljude koji se zalažu za prava migranata i tražilaca azila. Želite da mi date medalju za iste one akcije protiv kojih se borite unutar svojih zidina. Sigurna sam da nećete biti iznenađeni što odbijam ovu medalju.

Pariz, ja nisam humanitarka. Nisam tu da bih 'pružala pomoć'. Solidarno stojim s tobom. Nama ne trebaju medalje. Ne trebaju nam vlasti da odlučuju ko je 'heroj', a ko 'nelegalan'. Štaviše, nisu ni u poziciji da donesu takvu odluku, jer smo svi jednaki.

Ono što nam treba jesu slobode i prava. Vrijeme je da licemjerna odličja nazovemo takvim i da popunimo prazninu društvenom pravdom. Vrijeme je da sve ordenje pretopimo u koplja revolucije!

Papiri i domovi za sve!

Sloboda kretanja i izbor stanovanja!“, poručila je kapetanica gradonačelnici Pariza.

Date: 23-08-2019